

Zeitschrift: L'ami du patois : trimestriel romand
Band: 21 (1993)
Heft: 81

Artikel: Editorial : le r   l   moua ! Ke le novi vikchich  
Autor: Jean des Neiges / Brodard, Jean
DOI: <https://doi.org/10.5169/seals-243021>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich f  r deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Ver  ffentlichen von Bildern in Print- und Online-Publikationen sowie auf Social Media-Kan  len oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues num  ris  es. Elle ne d  tient aucun droit d'auteur sur les revues et n'est pas responsable de leur contenu. En r  gle g  n  rale, les droits sont d  tenus par les diteurs ou les d  tenteurs de droits externes. La reproduction d'images dans des publications imprim  es ou en ligne ainsi que sur des canaux de m  dias sociaux ou des sites web n'est autoris  e qu'avec l'accord pr  alable des d  tenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 07.08.2025

ETH-Bibliothek Z  rich, E-Periodica, <https://www.e-periodica.ch>

Editorial

Le Rê lè mouå ! Ke le novi vikchichè

Chin lè la bramåye ke fajan lè dzin din lè payi yo ke l'avi un Rê. Chin voyi a dre ke n'iran djamé chin Rê. On dè fotu on n'ôtro k'arouvè.

Che vo j'ithè jou a on intérémìn d'on chudå, la mujika ke dzuyè na trichta mårtse in alin intérå le mouå, rè vin din chon kantenémin in dzyin on mochi dè mujika alègro, chi ke vou a dre "on dè mouå, on mache dè j'ôtro in ya"...

Tinke no rè on n'an pye viyo! A rè vêre viye An, Bon dzoua le novi ! kemin vo je de pye hô : on dè pachå, di j'otro k'arouvon ! Lé volu ke chi premi ékri po l'Ami dou patè chi fê in patè. Ma kan mimo lé réchu, pê on n'omo pyin dè kà, è ke chå mi tyè di j'otro fére l'onithétå; in mè bayin le novi dikchéro, vu på m'inbarachi de l'ortografe in patè. Lé dza prou mô dè m'interi avu le franché, chin onkora m'inkemahyå avu le patè.

Chin volé dévejå dè chin ke l'a din ha publikachyon dè retso, chi lèvro préjintè gayå bin, in défro kemin in dedin. E portant ne vu på tsertchi din chi lèvro, kemin mè fo ékrire on mo, pècheke le patè lè tan diferin d'on velådzo à l'ôtro, ke cheri to delon fô po kokon.

I échpèro ke vo ji bin pachå hou fithè dè fin dè l'an, è ke vo ji bin rèkeminhyi le novi ! A l'ara d'ora, chon n'a la chindå, è dou travô achurå, fo rin démandå dèpye. Fédè dè manyére k'intrè vo hyorechichè to delon le patè. A la vèya, dévan tyè ke lè gran dzoua chan inke, prokurå-dè vo "Nouhron galé patè" ou bin "Dzarba novala", lèvro ke vo

pouédè kemandå vê nouhron gran bochè Djean y Romain à Chorin. Lè in yajin le patè k'on arouvè à le mi chavê è chuto prendre go à le dévejå.

Kemin din ti hou ke l'an nouhre "N'Ami dou patè", n'in da ke l'an dou mo dè le yère, mè féjo on pyéji dè betå din chi premi numéro dè l'an, ha ta galéja poési fête pê la pitita fiye dè Tobi di j'èyodzo, ke che ne dèvejè på le patè le yê è le konprin to.

Gran mèrci grahyaja damejala dè no bayi la pêrmichyon dè betå din nouhron papê voughra poési ke konchêrnè prou dè nouhrè j'abonå à L'Ami dou patè.

